

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 259 del 06/02/2025

Scontrèdes publiches coi sentadins

Nef ospedèl de Fiem, trei dis dediché a scutèr la proponetes e la osservazions di sentadins

[Ladino] Setemèna che vegn vegnarà endrezà la scontrèdes coi sentadins de la valèdes de Fiem, Fascia e Cembra, enteressèdes dal intervent de frabica del nef ospedèl. La scontrèdes les sarà en lunesc ai 10 de firé (“Palacongressi” de Ciavaleis), en mèrtesc ai 11 (teater de comun de Pardac) e en mercol ai 12 de firé (sala Bavarese de Tieser) da les 20:15.

La trei scontrèdes les raprejentea un di ponc fundamentèi del prozes partezipatif volù da la Provinzia autonoma de Trent e da la Comunità de Fiem per arjonjer a na partezipazion ativa di stakeholder, di aministradores locai e di sentadins. Obieif: troèr fiora i criteries de localisazion del nef frabicat.

A ogne scontrèda podarà tor pèrt no più che 100 jent. Per poder ite te sala ge vel se creditèr manan ite na mail a la direzion partecipa.ospedale.fiemme@provincia.tn.it o scrivàn ite l form a la sezion EVENTI de la piata internet dedichèda al percors partezipatif <https://www.provincia.tn.it/Argomenti/Focus/Partecipazione-il-nuovo-ospedale-di-Fiemme>.

Do dal salut di ombolc di comuns che ge dèsc alberch al event, l grop de lurier del prozes partezipatif portarà dant i lurieres de l’adunanza e endèna en curt vegnarà portà dant i ejic di des tematics endrezé anter november e jené coi enteressé: categories tecniches (architec, enjegneres, dotores, infermieres), esponenc del setor ambientalist, economich e del volontariat.

I sentadins arà l met de se enformèr e de se documentèr avisa tras materièi metui a la leta te la sezion dedichèda del sit internet de la Provinzia Autonoma de Trent ([a chesta direzion](#) l link diret). Te la medema sezion del sit vegn publicà enche la idees e la proponetes portèdes dant dai sentadins e da la sociazions che vel palesèr sie pensier en cont de la localisazion del nef ospedèl ([chiò](#) l link a la osservazions portèdes dant). Se pel portèr dant osservazions crites scin ai 28 de firé.

Traduzion di Servijes Linguistics e Culturèi del Comun general de Fascia

(cdt)